



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Ab Alexandro VII. Ad Clementem X.

**Luxemburgi, MDCCXLII.**

LXVI. Statuit, & decernit, ne oblato, seu servientes Fratrum Laicorum Tertii  
Ordinis Sancti Francisci Congregationis Gallicanæ in futurum nullatenus  
recipiantur, nisi cum biennali Novitiatu, & quarto ...

---

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)

LXV.

Concessio Indulgentiæ Plenariæ Fratribus Regularis Observantiæ Sancti Francisci, ac Reformationis Cisfontanæ Familiæ exercitiis spirituales per osiduum vacantibus.

Edita An. D.  
1659.

ALEXANDER PAPA VII.

*Ad futuram rei memoriam.*

Supplicatio.

Cum sicut Nobis nuper exponi fecit Dilectus Filius Michael Angelus à Sambuca Ordinis Fratrum Minorum S. Francisci Minister Generalis in Capitulo Generali ejusdem Ordinis novissimè Toleti celebrato, inter alia decretum fuerit, ut secessus, & spiritualia mortificationis, & orationis mentalis exercitia in omnibus Provinciis Cisfontanæ Familiæ Ordinis prædicti reassumantur, & illis Fratres earumdem Provinciarum aliquoties singulis annis vacent.

§. 1. Nos qui probè novimus quantoperè conducant exercitia hujusmodi dirigendis in viam Domini, & confirmandis in illa Christifidelium mentibus, devotionem Fratrum memorati Ordinis, qui de suorum Superiorum licentia operi adeò pio, & salutari vacaverint, cœlestium Ecclesiæ thesaurorum elargitione magis imitari volentes, de Omnipotentis Dei misericordia, & Beatorum Petri, & Pauli Apostolorum ejus auctoritate confisi omnibus, & singulis prædicti Ordinis Fratribus tam Clericis, quàm Laicis, seu Conversis, qui in domibus Regularibus Provinciarum prædictarum de suorum Superiorum licentia exercitia prædicta per osidui spatium quoadcunq; peregerint, & interea temporis verè penitentes, & confessi Sacrosanctum Eucharistiæ Sacramentum sumpserint, quoties id egerint Plenariam omnium suorum peccatorum Indulgentiam, & remissionem misericorditer in Domino concedimus. Præsentibus in perpetuum valituris.

Transumptis  
credi  
mandat.

§. 2. Volumus autem quod si pro impetratione, præsentatione, admissione, seu publicatione præsentium aliquid, vel minimum detur, aut spontè oblatum recipiatur, eadem præsentibus nullæ sint eo ipso. Quodque earumdem præsentium transumptis, etiam impressis manu Notarii publici, vel Secretarii dicti Ordinis subscriptis, & sigillo personæ in dignitate Ecclesiastica constitutæ, vel Ministri Generalis prædicti Ordinis munitis, eadem prorsus fides adhibeatur, quæ præsentibus adhiberetur, si forent exhibitæ vel ostensæ.

Dat. P. An. 5.  
die 11. Junii

Datum Romæ apud S. Mariam Majorem sub Annulo Piscatoris die 11. Junii 1659. Pontificatus Nostri Anno Quinto.

LXVI.

Statuit, & decernit, ne oblatis, seu servientes Fratrum Laicorum Tertii Ordinis Sancti Francisci Congregationis Gallicanæ in futurum nullatenus recipiantur, nisi cum bienniali Novitiatu, & quarto voto de non procuranda alia conditione ad præscriptum Constitutionum ejusdem Ordinis. Et de consensu petendo à tota Communitate super Contractibus.

*De his oblati vide infra ad Constitut. 80. Aliàs in qua confirmat Decretum circa receptionem oblatorum.*

Edita A. D.  
1659.

ALEXANDER PAPA VII.

*Ad futuram rei memoriam.*

Motiva.

Cum sicut Dilecti Filii Renatus Parisiensis, & Simon Lugdunensis, Procuratores Fratrum

Laicorum Provinciarum Sancti Francisci, & Sanctorum Ludovici, & Elzearii Congregationis Gallicanæ Tertii Ordinis ejusdem Sancti Francisci Nobis nuper exponi fecerunt, licet controversiæ inter prædictos Fratres Laicos ex una, nec non eorum Superiores, ac Fratres Presbyteros, & Clericos dictarum Provinciarum ex altera partibus vertentes per quadam Decreta Congregationis Venerabilium Fratrum Nostrorum Sanctæ Romanæ Ecclesiæ Cardinalium negotiis, & consultationibus Episcoporum, & Regularium præpositæ sub diebus 9. Julii, ac sexta, & 20. Augusti, & prima Octobris proximè præteritorum emanata, & per quadam Nostras in simili forma Brevis Litteras die 13. Septembris etiam proximè præteriti desuper expeditas respectivè confirmata terminatæ fuerint, nihilominus Dilecti etiam Filii Athanasius de Villanova prædictæ Sancti Francisci, & Ricardus de Aumala Sancti Ivonis Provinciarum Congregationis prædictæ respectivè Procuratores diversas oppositiones, & protestationes contra Decreta, & Litteras Nostras hujusmodi, debitam illorum executionem impediendi ergo facere ausi fuerint.

§. 1. Cumque prædicti Exponentes propterea plurimum cupiant opportunè in præmissis à Nobis provideri, ac insuper ordinari, ut consensus Universitatum, Conventuum dictæ Congregationis in omnibus contractibus creationis censuum activorum, & passivorum, fundationum, hypothecationum, acquisitionum, venditionum, aliarumque alienationum bonorum ad ipsos Conventus spectantium, quorum valor in capitali, seu forte, quantum quidem ad bona stabilia, viginti quinque, quantum verò ad mobilia, & fructus respectivè pertinet, decem scutorum auri summam excedat, necessarius sit.

§. 2. Nos specialem ipsis Exponentibus gratiam facere volentes, & eorum singulares personas, à quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis à jure, vel ab homine quavis occasione, vel causa latis, si quibus quomodolibet innodatæ existunt, ad effectum præsentium dumtaxat consequendum harum serie absolventes, & absolutas fore censentes, Supplicationibus eorum nomine Nobis super hoc humiliter porrectis inclinati, De memoratorum Cardinalium, qui partes abunde hinc inde informantes, audiverunt, remque diligenter, & maturè denuò discussurunt, consilio, juxta alias resoluta sub diebus 14. Novembr. 1659. 9. Julii, 20. Augusti, & prima Octobris 1660. ac Nostras in forma Brevis desuper subsequutas Litteras auctoritate Apostolica tenore præsentium decernimus, & declaramus, oblatos, seu servientes in omnibus hujusmodi Provinciis reformationis tertii Ordinis in Regno Galliæ consistentes, nec recipi, nec ad professionem admitti posse, nisi cum bienniali Novitiatu, & quarto voto de non quærenda, seu procuranda alia ab hujusmodi oblatorum seu servientium conditione ad præscriptum ejusdem Ordinis Constitutionum. Ac proinde sub pœnis privationis vocis activæ, & passivæ: nec non officiorum, & inhabilitatis ad ea, & alia quæcunque obtinenda prædicti Ordinis Superioribus, Officialibus, & aliis quibuscunque ad quos spectat, seu spectare quomodolibet poterit in futurum, atque invaliditatis, & nullitatis secus gestorum, & gerendorum, earundem tenore præsentium præcipimus, ac prohibemus, ne aliter quam modo, & forma præmissis hujusmodi oblatos, seu servientes exinde recipiant, nec quidquam erga, vel circa statum, & conditionem tam dictorum Servientium, quàm etiam Fratrum Laicorum, sive in Capitulis Provincialibus, sive extra ea contra prædictarum Constitutionum, & præsentium

Confirmat  
prout in rub.

Lit-

Super contractibus quando requireretur consensus.

Numerus laicorum remittitur generali.

Decretum irritans.

Dat. P. An. 5. die 2. Apr.

LXVII.

Edita An. D. 1659.

Exordium.

Supplicatio.

Litterarum formam, ac tenorem sub jam dictis poenis attentare, seu innovare audeant, aut præsumant.

§. 3. Super contractibus verò censuum tam activorum, quam passivorum, impositionum, & fundationum, bonorum acquisitionum, permutationum, venditionum, hypothecationum, & aliarum quocumque titulo, & nomine alienationum, quando agitur de stabilibus, & censibus, si summam viginti quinque ducatorum aureorum in sorte, de mobilibus autem, & redditibus decem similibus excedant, tunc totius Communitatis, seu Capituli Conventuum de quorum re agitur consensus, & consensus requiri, & adhiberi pariter decernimus.

§. 4. Quo autem ad numerum Fratrum Laicorum, & Servientium prædictorum ad dilectum filium, Ministrum Generalem pro suo arbitrio, & prudentia provident remittimus, eidemque præmissorum omnium, & singulorum executionem committimus, & demandamus; Injungimusque ut sub memoratis, ac aliis Ecclesiasticis poenis, & censuris juxta prædicta observari faciat, & præcipiat. Contradictores, & Rebelles quoscumque prædictis, ac aliis juris mediis opportunis compescendo.

§. 5. Decernentes etiam easdem præsentem Litteras semper firmas, validas, & efficaces existere, & fore, suosque plenarios, & integros effectus sortiri, & obtinere, & ab illis ad quos spectat, & pro tempore spectabit inviolabiliter observari. Sicque in præmissis per quoscumque Judices ordinarios, & Delegatos, etiam Causarum Palatii Apostolici Auditores judicari, & definiti debere, ac irritum, & inane si secus super his à quoquam quavis auctoritate sciant, vel ignoranter contigerit attentari.

§. 6. Non obstantibus in contrarium allatis, nec non appellationibus, protestationibus, cæterisque oppositionibus, ac omnibus, & singulis illis, quæ in Litteris Nostriis supradictis concessimus non obstat, cæterisque contrariis quibuscumque.

Datum Romæ apud S. Mariam Majorem sub annulo Piscatoris, die 2. Aprilis 1659. Pontificatus nostri anno Quinto.

Confirmat Decretum, quo numerus Vocalium Capituli Generalis Congregationis Italiae Fratrum Discalceatorum Ord. Eremitarum S. Augustini reducitur ad tres pro qualibet Provincia.

*De his Fratribus vide ad Const. 97. Urbani VIII. Alias pro parte circa electionem Priorum Provincialium, ac de modo regendi Provincias.*

ALEXANDER PAPA VII.

*Ad futuram rei memoriam.*

**M**ilitantis Ecclesiæ regimini per abundantiam Divinæ bonitatis, nullo licet meritum Nostrorum suffragio, præpositi, illa quæ pro fœlici Christianidelium sub suavi ætioris Religionis jugo, Altissimi obsequiis mancipatorum directione providè statuta esse dignoscuntur, libenter, cum à Nobis petitur Apostolici muniminis patrocinio roboramus.

§. 1. Exponi siquidem Nobis nuper fecerunt dilecti filii Vicarius Generalis, & Diffinitorium Congregationis Italiae Fratrum Discalceatorum nuncupatorum Ordinis Eremitarum Sancti Augustini, quod ultimum ejusdem Congregationis Capitulum Generale sub directione dilecti filii nostri Jo. Baptistæ tituli S. Mariæ Transiberim S. R. E. Presbyteri Cardinalis Pallotti nuncupati, dicti Or-

dinis apud Nos, & Sedem Apostolicam Protectoris, summa cum tranquillitate, & pace celebratum fuit, juxta modum, & formam cujusdam Decreti in proximè præcedenti Capitulo Generali Congregationis prædictæ editi, & per Venerabiles fratres Nostros ejusdem S. R. E. Cardinales negotiis, & consultationibus Episcoporum, & Regularium præpositos die 10. Januarii proximè præteriti (ut dicti Exponentes asserunt) confirmati, quo numerus Vocalium Capituli Generalis Congregationis hujusmodi præscribitur, & ad tres pro qualibet Provincia reducitur, & aliàs prout continetur in scriptura tenoris, qui sequitur, videlicet.

§. 2. Die 13. Maji 1659. sessione 7. Invocato Divini Spiritus auxilio, congregatis Eminentiſſ. & Reverentiſſ. D. Cardinali Pallotto Protectore, & Præside, ac Patribus Diffinitorii generalis Congregationis Patrum Discalceatorum Sancti Augustini Italiae propositum fuit, an confirmandum sit Decretum in præterito Capitulo Generali sessione 10. die 18. Maji 1656. editum, & à sacra Congregatione super negotiis, & consultationibus Episcoporum, & Regularium præposita confirmatum, super reductione Vocalium Capituli Generalis sub infraſcripto tenore, videlicet.

§. 3. Ad tollenda inconvenientia, & incommoda, quæ ex celebratione Capituli generalis more solito contingunt ex multitudine vocalium ad prædictum Capitulum generale concurrrens, & expensarum ultra limites nostræ paupertatis, & ex periculis itinerum cum evidenti detrimento nostræ regularis observantiæ, cum experientia compertum sit summo opere expedire, Capitulum Generale celebrari juxta formam præscriptam in Decreto alias factò in præterito triennio, & à Sacra Congregatione prædicta confirmato, paucis mutatis, ut infra sub reservatione beneplaciti Sanctissimi Domini Nostri, & cum supplicatione Sanctitatis Sæ pro confirmatione in perpetuum per Litteras in forma Brevis, decretum fuit, quod deinceps in perpetuum accedant suffragaturi ad Capitulum generale præter Admodum R. P. Vicarium Generalem, quatuor Diffinitores Generales, duos Visitatores Generales, Procuratorem Generalem, & Secretarium Generalem, ex qualibet Provincia Priores Provinciales in Capitulo Generali, sive extra illud ad formam Litterarum Apostolicarum electi, quod si aliquem ex dictis Provincialibus ante elapsum triennium, & ante Capitulum generale decedere contigerit, & per tempus non licuerit novam fieri electionem, ut supra, tunc jus ferendi suffragium in Capitulo Generali in locum demortui devolvatur ad proximè antecessorem in Officio Provincialatus, dummodo illi non competat hujusmodi jus ferendi suffragium in eodem Capitulo ex alio titulo, quo casu ad antecessores in dicto Officio eodem modo devolvatur; Et si detur casus, quod nullus ex Provincialibus antecessoribus existat, aut ferre votum ex alio titulo possit, tali casu jus ferendi votum devolvatur in Provincia Romana ad Priorem Conventus JESU MARIE de Urbe, & eo deficiente, aut legitime impedito ad Priorem Conventus Sancti Nicolai ejusdem Urbis. In Provincia Neapolitana ad Priorem Sanctæ Mariæ Veritatis, vel eo deficiente, aut legitime impedito ad Priorem Conventus Sancti Nicolai Tolentini ejusdem Civitatis. In Provincia Januensi ad Priorem Conventus Sancti Nicolai Tolentini Januæ, & eo deficiente, vel legitime impedito ad Priorem Conventus Sancti Damiani Mediolani. In Provincia Siciliae Panormitana ad Priorem Conventus Sancti Nicolai Tolentini Panormi, vel eo deficiente, seu legitime impedito ad Priorem Conventus Sancti Gregorii ejusdem Civitatis. In Provincia Germaniæ ad Priorem Conventus Sancti Augustini Viennæ, & eo deficiente, vel legitime

Decretum Capituli Generalis.

impe-